

Q. D. B. V
COMMENTATIO ACADEMICA
DE
NATVRA DIALECTORVM
AD LINGVAM
HEBRAICAM ET ARABICAM
APPLICATA

QVAM
DIVINA FAVENTE GRATIA
PRO LOCO
IN AMPLISSIMO PHILOSOPHORVM ORDINE
RITE OBTINENDO
IN AVDITORIO MAIORI
III CALEND. IVNII A. R. S. MDCCXLVII

PUBLICE DEFENDENT

M. BENIAMIN GRODDECK


FACVLT. PHILOS. ASSESSOR

ET


RESPONDENS


MICHAEL GOTTLIEB TREVGE

MARIAEB. BORVSSVS



VITEMBERGAE
TYPIS SCHLOMACHIANIS





בשש"ש

D E

NATVRA DIALECTORVM AD LINGVAM
HEBRAEAM ET ARABICAM
APPLICATA.

§. I.

Meditanti mihi, qua tandem ratione ea, quae de natura atque indole linguarum Arabicae et Hebraeae hactenus a me prolata sunt, ad illam perducere possem euentiam, ut non solum Eruditorum applausum mihi conciliarem, sed unumquemque ad ueterem illam et regiam hebraizandi uiam, praec reliquis eligendam, ueritatis splendore conuictum cogerem: Dialectorum contemplatio, earumque natura omnia, quod forte contra uniuersam nostram Hypothesin enasci, uel fingi posset dubium, feliciter soluere, iisque, quos externa harum linguarum diuersitas huc usque a consensu detinuit, omnem scrupulum euellere, apta nata uisa est. Frequentissimum enim, quod contra conuenientiam linguae Hebraeae et Arabicae nectitur argumentum, a discrimine isto, quod inter eas tam



quoad literas, quam reliquam linguae formam intercedit, desumptum esse solet, quo euinci posse existimant, linguam Arabicam pristinum suum decus penitus amisisse, tantumque abesse, ut sororis nomen tueri queat, ut potius deformis admodum atque degener, quae uenustissimae matris uirtutem et ornamentum abiecerit, facta sit filia. Differentia, inquit, harum linguarum multo notabilior est, quam ut arcum uinculum inter eas asseri et affirmari queat. Ecquid enim primo adspectu repugnantius, quam eas combinare uelle linguas, quae tam ipsis elementis, quam pronunciandi modo, uerborum significatibus, constructione, loquendi forma peculiari, quin toto orationis ambitu a se inuicem dissident? Quid ab omni ueri specie magis abhorret, quam illas linguas Dialectos appellare, quarum una alterius uix esse uidetur soboles? Hunc in modum argumentari solent, qui contra harmoniam harum linguarum, quam nos asserimus, et ubique defendere possumus, excipiunt, qui, si firmo niteretur fundamento, totam nostram Hypothesin destrueret. Has itaque nebulas, quae multorum obfuscant oculos, necessario ante dispellendas esse, quam aliorum consensum nobis persuadere possumus, cuius facile patet, quas si dissipauero, linguaque Hebraeam et Arabicam eandem inter se rationem tenere, quam Graecorum Ionica, Attica, aut reliquae huius linguae Dialecti, ostendero, luce meridiana clarius apparebit, uniuersa ratiocinia ex hoc capite structa, suo, quo gaudere uidebantur, robore plane destitui. Haec quoque me impulit ratio, stricturas quaedam *de Dialectorum natura* hilce dare pagellis, eaque, quae in Dialectos uulgo cadunt, ad nostras applicare linguas, ex quibus, si effecero, diuordiam linguarum Arabicae et Hebraeae ex Dialecto tantum oriri, nihil, credo, quominus Lectorum consensum mihi gratuler, impediet. In antecessum tamen admonemus, nos non nisi leues quasdam stricturas, temporis ratione sic iubente, hic dare constituisse, reliqua Eruditorum iudicio et discussioni relinquentes. Memini quidem promissi illius, quo quae *de Utilitate Originum Hebraearum in peculiaribus Syntacticis constructionibus* differenda mihi supererant, resumere uolebam; sed materia hac ad fundamentum Hypotheses rite constituendum plus conferente, eam praemittere, idque



ab omni inuasione tutum reddere malui, cum exceptio contra harmoniam harum linguarum tam solemnis sit, tamque altas iecerit radices, ut, nisi funditus extirpentur, assensionem semper obsint.

§. II.

Linguam, si in uniuersum eam consideramus, signa, quibus cogitata nostra cum aliis communicare ualemus, constituunt.^a Cum autem lingua ex uocabulorum compositione oritur, a diuersitate, atque compositione eorum eius quoque dependet diuersitas, unde discrepantium linguarum notio enascitur, quarum nempe quaelibet aliis plane utitur signis, quibus unam eandemque rem afficit, eaque alio plane atque alio modo combinat, quem in modum Germani atque Galli diuersum loquendi genus habere dicuntur, quod ambo diuersis plane signis res indicant, animique sensu differenti modo cum aliis communicant. Sed praeter ea, quod diuersas diuersarum gentium linguas habemus, experientia nos insuper edocet, unius eiusdemque linguae uaria dari idiomata hic illic uariata, quae *Dialecti* nomine uenire solent. *Est ergo Dialectus unius et eiusdem linguae idioma, quod diuersis Prouinciis et Ciuitatibus, ea utentibus, diuersum est, quemadmodum eam B. ERASMVVS SCHMIDT definit.*^b Exempli loco lingua Germanica esse potest, quae uarias et innumeras fere sub se Dialectos complectitur, quibus uel in pronunciandi, uel formandi, construendi, imo nominandi ratione, Regiones, Ciuitates, Vici, Pagi, inter se differunt. Eiusdem conditionis linguam Graecam esse, in Dialectos Atticam, Ionicam, Aeolicam, Doricam, quibus alii Boeoticam, Macedonicam, Thessalicam reliquas^c addunt, diuisam, neminem nostrum fugit. Differentiam Dialecti a peculiari quadam lingua inde colligimus, quod illa circa unam linguam uersatur, externasque tantum uariationes infert; haec uero medullam tangit, et quoad totam formam discrepat, ad quam rationem linguae Gallica et Italica falso Latinae haberentur Dialecti, quod earum diuersitas non ad externa tantum, sed ad interna quam maxime se extendit. Hinc recte Cel.

A 2

SCHVL-

^a) Conf. Cel. WINKLERI *Instit. Phil.*
min. f. 663.

^b) In *Tractatu de Dialectis Graecorum* p. 1.
^c) Vid. t. I. p. 6.



SCHVLTENSIVS,^d *Dialectum per unius linguae variationem quandam externam et accidentalem, definit, quae ad internam eius substantiam non pertingat, sed fundamentum integrum, illibatumque conseruet.* Ad hanc normam ergo linguam Hebraeam et Arabicam diiudicabimus, quando eas cum Dialectorum natura apprime congruere in sequentibus adstruemus.

§. III.

Si in causas, unde Dialecti unius linguae oriri et enasci poterunt, inquirimus, eas multiplici ratione exercere, facile intelligemus. Erquid enim uolubilius, quid mutabilius, et ad diuerfos flexus lingua pronius est? Quem fugit aëris temperiem crassiorem, asperioremq; asperos, rudioresque sonos, eam uero subtiliorem et delictiorem, delictam quandam mollitiem et tenuitatem eius gignere? Sic qui in montibus habitant, discrepantem ab iis, qui in uallibus degunt Dialectum habent, quod nonnunquam in eos cadit, qui in locis non ita distitis a se uiuunt. Eandem nobiscum CHRISTOPH.

RESOLDVS^e fouet sententiam, de ratione mutationum linguarum sic differens: *Natura atque conditio loci uel regionis uariat linguas, diuersasque cumprimis efficit Dialectos, Septentrionales duriusculè magis, Australes atque Orientales molliùs atque leniter pronunciant non solum uerba, sed et uoces ipsas ad hanc normam efformare solent.* Sic quoque pro aquae, aërisque qualitate, et ex montium, solique ratione ea uariatur etc. Huc concedit quoque AVGVST. GRISCHOW,^f inter alias hanc discrepantis idiomatis rationem proferens. *Ipsius, inquit, regionis natura, situsque australior aut septentrionalior, altior aut depressior, serenior, aut nubilus uaporibusque crassioribus magis expositus locus et similia. Ita propter uebementiorem spirituum uim calorisque impetum, propter spiritus animales subtiliores ac defecatiore et simil. horumue omnium contrarium, aut certam tantum modificationem fieri potest, ut in uocibus Vocales, Consonantesue aliis multiplicentur, aliis decurantur, imminuanturque, crebrae bis, variores aliis adhibeantur*

adspi-

d) T. II. Orig. C. I. §. XXXV.

e) De Natura Populorum p. 41.

f) In Introduct. in Philologiam gener. §. XL.

cuiusque Scholion.



adspirationes, aliis adamentur tenues, aliis mediae etc. His iam ipsorum hominum accedit temperamentum, ex iisdem principiis sese in partem uel politiore[m] uel impolitior[em] exerens, quod plebeium loquendi genus satis euincit. Certe uulgus, pronunciationem haud curans, linguas uitiat atque adulterat, ut earum uarietas ab eo originem maximam partem duxisse uideatur, multitudine eius politiores facile uincente, qua ex causa sensim, sine sensu, alia atque alia linguae unius critur facies externa.^g Tempore quoque linguam in uarias Dialectus abire posse, nemo facile inficias ibit, qui, quid secula hic immutent, non plane incompertum habet. Egregie HORATIVS hac de re canit:^h

— *Mortalia facta peribunt,
Nedum sermonum stet bonos et gratia uiuax.
Multa renascuntur quae iam cecidere, cadentque,
Quae nunc sunt in bonore uocabula, si uolet usus:
Quem penes arbitrium est, et ius et norma loquendi.*

Addo pronissimam literarum unius organi permutationem, quam apud pleraeque gentes obseruamus, casque a se inuicem discernere possumus. Sic *b* et *p*, *d* et *t*, *g* et *k*, et aliae eius generis literae ore Saxonis, stricte sic dicti, tam promiscue efferuntur, ut eas uix dignoscere queas, unde quoque distinctione mollis et duri *b* uel *p*, *d* uel *t* etc. ne confusio existeret, utuntur;ⁱ Inferiores uero Saxones aliam iterum literarum permutationem in uulgari usu adhibent. Ad haec omnia tonus siue accentus quam maxime confert, a quo omnia sic pendent, ut, si consuetudo alicuius gentis publica uel tantillum in eo uariauerit, diuersae et peregrinae appareant linguae, quae iisdem natalibus, iisdem cretae radicibus, germana consanguinitate iunguntur.^k Harum rationum unaquaeque ad externam linguae immutatio-

A 3

nem

^g) Conf. BESOLDVS C. I. p. 48.

^h) De A. P. n. 68. fgg.

ⁱ) Haec cum obseruo, nullam Clar. SCHWSTERO litem mouere uolo, quin Dissert. de Natura quatuor linguarum Cardinal. Germanicae, Latinae, Graecae ac Hebraeae,

Ienae habita, p. 19. not. b. Cives suos ab hac accusatione liberare studuit, Patriae tamen amor nimis indulgere uidetur.

^k) Varias has causas, ex quibus Dialectus quaedam ortum ducere potest, allegat Cel. SCHULTENSIVS T. II. Orig. C. I. p. XXXVII.



nem aliquid confert, licet aliae infuper esse possint, quae illam pariant, ex quibus quaedam protulisse nunc sufficit.

§. I V.

Non mirum inde, linguam primaeuam suas quoque sensisse immutationes, temporisque successu aliam atque aliam externam induisse faciem. Etenim in omnium ore a primis incunabulis suis uigebat, diuersisque posthaec populis erat uernacula, quo posterius Heberi, in duas per Phalegum et Ioctanem distincti lineas, referuntur. Non mirum, inquam, uarias eam ex se progenuisse Dialectos, ex diuersis rationibus, quarum quaedam excitatae sunt, ortas. Nec magis mirum, has Dialectos tam diuersum tenere adspexitum, cum, quanto remotior lingua a sede sua patria uiget, tanto notabilior differentia eius externa existat. Imo nec discrepantia externa Arabicae linguae ab Hebraea in admirationem nos rapere debet, quae ad hunc usque diem uiua, quotidie mutationibus subiacet, ea uero diu iam mortua, nihil amplius innouare potest. Subit hic Summi Numinis uenerari prouidentiam, quod, licet hae linguae externa forma tantum a se dissideant, internam tamen earum conditionem et medullam sanctam intactamque per tot secula nobis asseruatam uoluerit. Omnis enim, quae inter eas intercedit discordia ex Dialectorum natura ad amicissimam reduci potest concordiam, ut si diuersas linguas eas pronunciare uelis, Atticam, Ionicam, Doricam et Aeolicam Graecorum Dialectum, unam quamque per se, peculiarem constituere linguam simul asseras necesse est. Scio quidem, multos Eruditos ne Chaldaicae quidem aut Syriacae linguae id tribuere, ut nomen Dialectorum Hebraeae tueri possint, tantum abest, ut de Arabica lingua hoc concedant; sed ex sequentibus facile patebit, uera esse, quae CHRIST. RAVIVS, ut B. PFEIFFERVS, ea licet impugnando, annotat, post FVLLE-
RVM et alios dixit: *Chaldaicam linguam ab Ebraica ad modum Dialecti tantum differre; item Ebraicam, Chaldaicam, Syriacam, Arabicam, quae uulgo pro diuersis male habentur, unam linguam sacram orientalem esse, et diuersas modo Dialectos arctius cognatas, quam Graecae*



cam Communem, Ionicam, Atticam, Aeolicam, Doricam, Boeoticam. Etenim si ex Dialectorum natura disconuenientia explicari et tolli potest, nihil, quominus eas Dialectos appellemus, impedit. Quod ut distinctius percipiendum commonstrem, Dialectorum naturam ad linguam Hebraicam et Arabicam, reliquis missis, habito ad Graecorum Dialectos respectu, applicabo.

§. V.

Si ad uariationes, quas Dialectus quaedam permittit, attendimus, eae in tres classes, ad quas, quicquid de natura eius docetur, commode referri potest, diuidi posse, experientia satis euincit. Permutantur enim uel *Elementa*, eorumque *pronunciatio*, uel *Verborum significatus*, uel tandem *Constructio uniuersa*. Quae ad elementa linguae pertinet *uariatio*, illa uel ex *literae*, uel *uocalis* immutatione, uel *utriusque traiectione* oritur; ad pronunciandi modum uero *formas contractas et productas*, quin *Accentum* aliter et aliter positum refero. Diuersitas, quae in *uerbis*, eorumque *significatibus* conspicitur, uarie iterum considerari potest; siquidem quaelibet Dialectus domesticas quasdam, per accidens, adieciuerit uoces, quas in altera non inuenies. Alteram differentiam secundariae et metaphoricæ notiones formant, quae ex primaria quadam enasci solent, adeo ut idem saepius uerbum Dialecti cuiusdam contrarium de eo denotet, quod in altera obseruamus; his ipsae secundariae flexiones accedunt, in quibus maxime uariatur, altera tropis foecundiore, altera steriliore, alia tandem prae alia Originis, seu primariae potestatis seruantiore, ita ut in una paucissimae, eadem uero in altera reperiantur copiosissimae. Tertia Classis illam nobis diuersitatem offert, quae ad uniuersam *Constructionem* pertinet. Sic Phraes in Dialectis, formulae ex ritibus ribusque domesticis oriundae uariant, quin totus orationis ambitus eam introducit differentiam, ut unam ab altera statim discriminare queas.

§. VI.

Haec cum de Dialectorum natura tradimus, id nunquam asserere uolumus, Dialectos ubique hac uarietate niti, hisque tribus Classibus



fibus semper a se diffidere. Testatur enim experientia, Dialectos nonnunquam has immutationes coniunctim sumitas non admittere, sed amicissime in quibusdam conspirare. Permittit quidem lingua tales Dialectorum variationes, has permutationes uero per se Dialectum tantum constituere, exinde minime sequitur, cum in peregrinas quoque linguas illae cadere possint. Fallit ergo consequentia, has illas linguae inuenio mutationes, ergo Dialectum constituunt. Alia enim res est, Dialecto eas non repugnare, alia iterum, eam iis absolui. Hac observatione opus esse duxi, ne nobis obiiciatur, multa hic ad Dialectorum naturam referri, quae eodem iure in diuersissimis linguis locum habeant. Has itaque variationes ex Dialecto oriundas, secundum diuisionem, §pho praecedenti factam, insequens noster labor sigillatim proponet, ex quibus differentiam linguae Arabicae et Hebraeae ex Dialectorum natura explicandam esse, euicturi, antiqua Arabicae linguae iura, non sine magno nostro damno haecenus labefactata, restituere allaborabimus. Hoc tamen omnino admonendum censeo, totam hanc, qualemcunque, Commentationem *Viae ueteris et Regiae Hebraizandi* Cel. SCHVLTENSII *Secl. XVII.* ut et eiusdem Cel. Auctoris *Originum. T. II. C. I. §. XXXV-XXXIX.* illustrandis inseruire posse, cuius praecepta, hac de re data, exemplis confirmabo.

§. VII.

Exordior a prima Classe variationum linguae ex Dialecto oriundarum, quae ad *elementa et modum pronunciandi* se extendit. Quod ad prius attinet, longa uix opus esse discussione quilibet perspicit, cum Graecorum Dialecti omni id attestentur pagina, pauca tamen pro specimine ex iis, quae Cel. SCHVLTENSIVS in *Claue Dialectorum* iam proposuit, adducam. Nota usuque satis comprobata est Grammaticorum regula, quae in nostra quoque causa magnam praestat utilitatem: *Literas unius organi facile inter se permutari.* Hanc permutationem, ut reliquae literae, ita gutturales quoque amant. Ne mireris ergo, quando *ن* in *ه* uel *ه* aut *و* mutatum apud Arabes forsitan inuenis, quanquam omnium non aequalis frequentia occurrit. Sic *وَن* agilis fuit, unde *وَن* ignis apud Arabes sonat *وَهْن*, quod et *وَهْن* item



item **عاف** *abborruit, fastidiuit* Originem traxit ab **انف** *nasum traxit*, Hebr. **אנף**; Tandem **טנפ** *Ies. XIV, 23.* apud Arabes est **عطف**.^{m)} Contra **א** pro **ה** alternat, ut **אפך** pro **הפך**, **ח** pro **ה** et uicissim **ה** pro **ח**, item **ע** pro **ה**, et rursus **ה** pro **ע**, de quibus, ut et de aliis harum literarum permutationibus, exempla dedit Cel. SCHULTENSIVS in *Claue Dialectorum*.ⁿ⁾ In genere hic tenendum, Arabes pro spiritu asperiore Hebraeorum **ה**, amare lenem **א**, quod in Speciebus uerborum distincte obseruatur. Ad hanc permutationem literae **אוי**, tam in principio, quam medio et fine, quam maxime pro-nae sunt, ad quam rationem Arabes **وسر** pro **אמר** dixit, **يسسر** pro **אסיר**, captius usurpant, quemadmodum Chaldaei Hebraeorum **אוי** in **אוי** transmutarunt, ut Targum *Pf. IX, 18.* **אוי** *רשעי לשוי* reuertentur impii in sepulchrum.^{o)} Obseruanda hic uenit frequentissima uicissitudo inter uerba Quiescentia tertia **א** et **ה**, quod posterius pro Vau uel Iod substitutum, ut **גלה** pro **גלו** uel **גלי**, ubi in genere notandum, Arabes hic pro **ה** seruii Hebraeorum **א** assumere, ut **جلى** pro **جلو** et **جلي**, quod Aramice Dialecto quoque proprium, ut **גלה** pro **גלה**. His iam, quod satis uulgata, insistere non lubet, Beth itidem uariis mutationibus, ut reliquae eiusdem organi literae, plane ut apud Graecos subiaceret, ut transeat in **ב** e. gr. **בחן** pro **בח** probauit, explorauit, quod in Origine est *terere fricando, speciatim ad cuticulam, atque ut aurum probare.*^{q)} Ad hanc normam Dorice **μιαίφινος** extat pro **βιαίφίνος** et Aeol. **βάριμιτος** pro **βάριβιτος**;^{r)} e contrario **ב** in **ב** traiectionem, ut **זמר** pro **זמר** et **זמר** pro **זמר**, quamuis et **זמר** remanserit.^{s)} Sic Aeoles **βύρμαξ** pro **μύρμαξ**, et **βέλλω** pro **μέλλω**. Porro **ב** in **ב** abit, ut Chaldaei pro **ברוך** effe-runt **פרוך**, *Dan. II, 33-34. 40.* Sic Arabes **بروح** quod Hebraeis **ארוח**, quo spectat Graecorum **ἀβρόπες** pro **ἀβλαβής** ex Dialecto Cretensi.^{t)}

B

Hanc

m) Conf. KROMAYERVM de *Vsu Ling. Ar.* p. 19.

n) p. 207-210. 234. et 269.

o) Aliud exemplum uide apud SVXTORF. in *Lex. Talm. b. n.*

p) Plura dabit Cel. SCHULTENSIVS in *Cla-*

ue *Dial.* sub his quatuor literis.

q) Vid. *Cl. Dial.* p. 195. it. *Orig. MSC. b. n.*

r) Conf. IAC. ZVINGERI *Hypotyph. Graec.* *Dial.* apud SCAPVLAM p. 49.

s) Vid. GOLIVM sub **زمر** et **زمر**.

t) Vt annotat ZVINGERVS c. 4.



Hanc transmutationem ipsi quoque Germani satis confirmant, quorum lingua in sonis *b* et *p* admodum uariat, ut §. III. iam obseruauimus. Nec haesitabis, credo, ubi pro *ב* inueneris quoque literam *ו*, cum lingua sponte in eam inclinet. Sic apud Latinos in uetustis lapidibus ac libris *acerbus* et *acervus*, *beneficium* et *uenescium*.^{*} Elementum Vau ad eandem uariationem nos ducit, quippe quod tam in *ב* quam *ו*, plerumque tamen in transit. Lexica Hebraica euoluenti, nullum, quod obiter admoneo, thema ab hac litera inchoans, praeter unicum *ו* *uncum* denotans, apparebit, quod tamen, nisi multis delectari uelimus anomaliis, Hebraeis restituendum. Non quidem me fugit, Hebraeos pro asperiore sono Vau, molliorem Iod in principio saepius assumsisse, et pro *וּר* substituisse *יּוּר*; at in Niphal, Hiphil et Hophh. primam thematis ueram radicalem partim per motum, partim per quietem, resumunt, quam in quibusdam quoque deriuatis etiamnum retinent, quo spectat forma rarior *וּרְ* et *וּלְ*, 2. Sam. VI, 23. Gen. XI, 30. item *וּרְרִי*, 1. Sam. XXX, 24. et aliae. Sunt tamen, qui has formas pro iis, quae per Iod flectuntur, positas esse contendunt, linguamque Arabicam in his praelucere non posse, existimant, quia ex mente eorum plura alia exempla manifesta deficiunt. Sed crederem ipsa haec exempla, licet plura abessent, quod tamen antea probandum, pro nostra sententia maxime stare. Formam enim *וּר* substitutam esse pro *יּוּר* asserere litem nondum decedit, nisi substitutionis huius causam afferas. An sic quoque in Niphal, Hiphil et Hophhal Vau pro Iod positum est? Non persuadeor. Ergo Analogiam linguae sequamur, atque superfluas illas Masoretharum Crises ualere iubeamus. Nec metuendum, haeresin quandam Grammaticam, ut quidam pronunciare ausi sunt, hisce assertis introduci, cum, si omnes haeretici tali fundamento niterentur, hoc nomine plane indigni forent.^{*} Re uera tamen plura reperiuntur uerba, quae aequae per Vau, quam per Iod olim usitata fuisse quemlibet conuincere possunt. Sic Futurum in Kal *יּוּכַל* poterit palam a *יּוּכַל*, quod Arabicus *يُكَلِّم*, descendere nemo ambiget, dummodo haec obseruare uelit. Scilicet cum literae

omnes

^{*}) Conf. VOSSIVM de Arte Gramm. Lib. I. Cap. XXVIII.

^{*}) Conf. S. CLODII Lex. Hebr. selectum sub litera *ו* p. 162. 163.



omnes sua natura mobiles sint, motus quietem antecedere debet, quapropter יוכל erit pro ויכול, quod Chaldaei in יכל et יכל contrahunt, ut *Dan. III, 29*. Quod ut assererem, eiusdem Danielis *Cap. V, 16*. exegit, quo תוכל certe oriri non potuit, nisi ex ueteri forma תוכל, quae postmodum per quietem in תוכל confedit. Haec obiter tetigisse nunc sufficit, quae si opus forte fuerit, commodiore tempore resummi, in plenaque luce collocari possunt. Quid Hebraei in fine pro Vau substituerint, supra iam datum. Arabes hanc literam tam in principio, quam in medio et fine partim adhibent, partim pro ea se assumunt, ut utrumque uerbum, siue per se aut Vau ab initio formetur, eandem teneat Originem, licet in secundariis notionibus aliquando uariet. Porro Vau apud Arabes in prius in medio et fine in Elif mutatur, aut, ut distinctius loquar, pro Vau radicali Elif seruile substituitur, quod et se in medio accidit. Sic قال est pro قول, قوم pro قوم, Hebr. כים, בים pro בים et בים, Hebr. בין et בין, qualium sylua extat. In medio quoque in ה abit, ut pro פיר, unde Festum Purym, existat פیر, quemadmodum pro מור in Targum legitur מהל. Occurrunt quoque exempla, ubi in Nun transit, nec mirum, cum apud ipsos Hebraeos uerba quaedam, a Vau uel Iod inchoantia, etiam Nun receperint, quale est יצב, Arab. وصب, quod et نضب, Arab. نصب scribitur, ut patet ex forma נציב saepius in Sacris obuia. Simile quid in fine admissum, qua ratione سفن سفن affinitatem colit cum ספה ספה, cuius tamen ratio, ut Cel. SCHULTENSIVS obseruat, non in simplici permutatione, sed in latente haecenus causa, ponenda esse uidetur. Si ad hanc normam omnes Alphabeti literas pertractare uellem, haec pagellas eo facile implere possem. Gimel enim in Iod, uel Caph et Koph, et uice uersa, mutari, literas רטלכת inter se alternari, reliquasque, quae adhuc supersunt, suis fungi uicibus, quin diuersi organi literas nonnunquam inter se permutari posse, Graecia quemque docebit, unde si ex hoc capite contra Arabes argumentari, eosque a stirpe sua nimium defecisse asserere uellemus, non omnia rite trutinasse

B 2

uidere.

γ) Conf. Cel. SCHULTENSII *Instit. ad fundam. L. H.* p. 322. et 348. Plura exempla huc spectantia lege in *Classe Dial.* p. 212.

seqq. item in Orig. *MSC.* sub litera Vau.

•) Conf. *Clau. Dial.* sub litera Vau.



uideremur. Quod uero ad eas pertinet literas, quae numerum Hebraeorum transgrediuntur, eas recentioris esse monetae, seculoque demum X. ad accuratiorem pronuntiationem adinuentas, cuilibet, nisi in Historia Orientali plane sit hospes, satis notum, adeo ut omnis exceptio, hac nixa ratione, semet destruat.

§. VIII.

Progredior ad Vocales, quarum uariationem apud Hebraeos et Arabes ex sola Dialecto oriri, paucis adstruam, quod eo facilius ab omnibus me impetraturum confido, cum in quauis lingua nihil ad sonum uariandum procluius sit, quam ipsae uocales, adeo ut unica ex iis uario saepe modo proferatur. Graecia, Latium, imo ipsa Germania patria tot subministrare possunt exempla, ut a quo exordiar, aut in quo desinam uix habere mihi uidear. Mirumne ergo, Arabes in earum pronuntiatione ab Hebraeis aliquando dissidere, ut quaedam prouincia ea in *a* exire sinat, quae alia per *e* effert, aut quaedam *i* pronunciet, ubi ab alia *e* audis, aut tandem inter *o* et *u* discrimen patiatur? Si ad figuras uocalium recurris, ex iisque magnam differentiam elicere studes, prius tibi probandum erit, Dialectos eandem semper literarum aut punctorum uocalium figuras exquirere, hisque uariatis statim in peregrinas abire linguas, quod si uel probare posses, falsa contra Arabes meos, eorumque diuersas literarum et uocalium figuras, foret consequentia, cum longe alias figuras, quam hodie conspiciamus, quae natales suos seculo X. debent, antiquitus adhibuerint, totumque uocales scribendi genus per puncta, ut HOTTINGERVS obseruat,^a absoluerint. Probandum ergo, puncta illa, quibus Arabes olim utebantur, eo tempore ab Hebraeis diuersa fuisse. Sed de figura non disputo, modo id concedatur, diuersitatem potestatis, quam uocales exserunt, commodè ex Dialecto explicari posse, quod quomodo negari possit, ego quidem non satis intelligo. Quod ad Vocales Arabum *Numatas*, ut uocantur, attinet, quas lingua Hebraea ignorat, illae peculiari loquendi modo nituntur, cum ne apud ipsos quidem Arabes ubique receptae sint, et pronuncientur. Vulgus enim

cas

^a) In *Thef. Philol.* p. 401.



cas uel ignorat, uel respuit, et per consonam cuncta terminat, ut *נָשַׁב* et *נָשַׁב* uel *נָשַׁב* eadem teneant iura. Caeterum notandum, uariationes casuum, quae per illas Vocales *Nunnatas* indicantur, recentioris esse Originis, quas accuratior actas adinuenerit. Neglectio enim *Nunnationis*, uariationisque illius, ut Cel. SCHVLTVSIVS obseruat,^b appellatur *חֲזַרְמֻת* *Hadframismus* siue *Hadramautismus*, ab *חֲזַרְמֻת* *Hadframaut*, *Hadframytta*, Arabiae Felicis prouincia nobilissima, cui nomen impositum ab *חֲזַרְמֻת*, filio Ioctanis, *Gen. X*, 26. Hi ergo Hadramytteni antiquae linguae retinentes, et adscititios ad finem sonos repudiantes Originem dedere uerbo *חֲזַרְמֻת* *Hadframa*, quod est, *male pronunciauit uocales ad finem*.^c Quare nec illi fictitii soni nostris Dialectis officiunt. Superesset iam, ut de permutatione uocalium exempla afferrem, eaque per Graecorum maxime linguam, de qua Dialecti a nemine negantur, declararem; Sed uereor, ne in re tam euidenti, ulteriori probatione ipsi euidentiae noceam, cum nimia claritas nonnunquam obscuritatem parere uideatur.

§. IX.

Consideranda nunc nobis literarum traiection, quae iterum in quauis lingua satis frequens haud longam iniiciet moram. Ad hanc normam Latini I praee, pro praei, Graeci *κράδια* pro *καρδία*, sic Hebraei *כבש* et *כבש* *agnus*, *שלמה* et *שמלה* *indumentum*, *גור* et *גור* *securit*, quo uerba Quiescentia mediis Vau uel Iod, iisdemque primis pertinent, sic *טוב* et *טוב* per traiectionem *טוב* et *טוב* *bonus fuit*, *שוע* et *ישוע* et reliqua. Caute tamen in his uersandum, ne pro Metathesi aliquid accipias, quod re uera nullam agnoscit, quod Masorethas, ut et multos Christianorum sapius fefellit, ut per literarum traiectionem id explicarent, ubi radicales suo ordine manere poterant et debebant. Vnum alterumue exemplum pro specimine apponam. Extat locus *Iud. XVI*, 26. ubi lectionem *והימשיני* in *והימשיני* plerique Criticorum cum Masorethis emendare studuerunt, ut esset a R. *מש*; alter locus *Iud. XII*, 3. reperitur, quo *אישמה* pro *אשימה* ob tritissimam radicem



radicem שׁוּם positum esse contendunt. Mihi quidem in utroque loco nullam Metathesin locum habere, sed ipsum כּוּרִב retinendum esse uidetur, cum, quod ad priorem attinet, Radix יִשׁ Chaldaeis, monente CAPELLO, יִמֶּס, apud Arabes adhuc uigeat, quae ex Dialecto, ut supra annotauimus, per Vau scribitur, ومَسَّ *fricuit, fricando palpaui*. Sic CAMVSVS: الروميس كالموعر احتكاك الشيء *formae וער* *est fricatio rei cum re, donec decorticetur*; ^d posterior uero ob alia Scripturae loca sese commendat. Sic Gen. XXIV, 33. וַיִּשָּׂם לַפָּנוּי לְאָכֹל, *et adpositum fuit ei, ut cogederet*, Masorethae substituerunt וַיִּוֶּשֶׁם, quod cur fecerint, formam analogicam Huphh. a R. וַיִּשָּׁם repudiando, non satis intelligo. Seruata enim R. שׁ in Huphhal existit וַיִּשָּׁם pro וַיִּשָּׂם, ut וַיִּפְקֹד pro וַיִּפְקֹד, forma scilicet perfecta, pro qua uulgo ad suauiore prononciationem prima radicalis Vau adhiberi solet, ut וַיִּשָּׂב pro וַיִּשָּׁב. Alter locus est Gen. L, 26. וַיִּשָּׂם כְּאָרוֹן, *et adpositus (uel imperionaliter adposuit) in arca*; uerba enim quaedam in Kal utramque aliquando potestatem, actiuam et passiuam exserere, omnibus notum.^e Retinerem ergo hoc quoque loco Futurum in Kal a R. וַיִּשָּׂם; anomaliam enim hic introducere, quasi pro וַיִּשָּׂם hic וַיִּשָּׁם exstaret, non conuenit.^f Ergo nulla adest ratio, quae nos moueat, in excitato ludicum contextu literarum Metathesin statuere, cum omnia ex restituta radice וַיִּשָּׂם, Arabibus وַיִּשָּׂם rite procedant. Dantur adhuc plura Scripturae loca, in quibus literarum traiectione sine ulla ratione assumpta est, quae nunc sepono. Quod si itaque in una eademque Dialecto talis elementorum permutatio permittatur, quid mirum, si in diuersis locum quoque obtineat, ut propterea facilis sit explicatio, si Hebraeorum רָנַע apud Arabes رَنَعَ efferatur, quod ex ipsis Arabicae linguae uisceribus Cel. SCHULTENSIVS ὁ πᾶνυ ostendit,^g sic נָטַשׁ, Arabice نَشَط, et reliqua.^h De traiectione uocalium multa hic interere superfluum foret, cum, quae de literis dicta sunt, hanc satis firment, omnique dubitatione

nos

d) Conf. Cel. 10. SCHULTENSII Fil. Disser. Acad. prior de Utilitate Dialectorum Oriental. p. 52. Add. HILLERVS de Arcano Kethib et Keri p. 331. seqq.

e) Conf. B. DANZII Interpret. p. 22. seqq.

f) Conf. Cel. 10. SCHULTENSIVM c. 1.

g) Orig. T. I. C. X.

h) Plura lege in Clave Dish. p. 318. 319.



nos eximant. Etenim satis trita haec uocalium traiectionis apud Orientales est, quam et Occidentales non respuunt. Huc frequens illa apud Hebraeos spectat transpositio, quando tertias praeteriti personas per affixa fle-
ctunt, ut פָּקְדְנִי et פָּקְדְנִי, פָּקְדְנִי et פָּקְדְנִי, יְהִי ex detruncato יְהִי,
et plura alia. Posses huc referre differentiam Chaldaeorum in formis
segolatis, qui primam Hebraeorum uocalem ad finem relegantes, eas
in monosyllabas permutant; sic פָּקְדַר apud ipsos effertur פָּקְדַר, פָּקְדַר
sonat פָּקְדַר, ut in his quoque salua Arabum res sit, qui hanc tum lite-
rae, tum punctorum traiectionem saepius amant.

§. X.

Circa elementa igitur linguae Hebraeae et Arabicae, eorumque per-
mutationem nullum nobis remanet dubium, quin, licet primo adspectu
ualde a se discrepare uideantur, leui tantum uariatione, ex Dialecto
oriunda, nitantur. Ad obiectionem, quae hic moueri posset, §. VI.
respondi. Superest nunc, ut ea, quae ad primam uariationis classem
retuli, paucis conficiam, quae ad *pronunciationem* spectant. Nihil
sane maiori in omnibus linguis subiacet uarietati, quam modus pro-
nunciandi, quo tales saepius exoriuntur immutationes, ut Dialectum
a peregrina lingua uix discernere possis. Huc refero *formas* in una
Dialecto *productas*, in altera *contractas*, *accentumque* uarie positum,
ad quam rationem segolata Hebraeorum, ut modo notauimus, pro-
ducta, apud Aramaeos et Arabes monosyllaba fiunt, ut pro קָרַט
Chald. קָרַט, Syr. ܩܪܬ, Arab. قَرِطٌ efferatur; sic נָפֵשׁ, Chald.
נָפֵשׁ, Syr. ܢܦܫܐ, Arab. نَفْسٌ pronunciant, hancque regulam in
omnibus huius formae deriuatis obseruant, plane ut Graecorum Attica
et Ionica Dialectus, quarum prior uoces contrahere, posterior con-
tractas resolueret amat, ad quam normam Attici ποιῶν, Iones uero
ποιέων, sic τῆνομα pro τὸ ὄνομα, item Aeoles παῖς pro παῖς, cui si
longius insistere, aliaque huius generis exempla cumulare uellem,
Dissertationis limites transgrederer. Superest Accentus, eiusque uaria
in Dialectis sedes, quem pronunciationis regem iure appellare possu-
mus, talem quippe gignentem uariationem, ut in ipsa uernacula lin-
gua intellectu difficilia sint uerba, quae tonum usu receptum non reti-
nent.



nent. Audiat modo aliquis rusticum quendam Altenburgensem, aut alium ab hoc tractu non longe remotum; sed quid aio, adeat uicinos nostros paganos, quibuscum nunquam locutus est, et, quamuis Germanice loquantur, paucissima tamen intelliget. Quanta apud Graecos Accentuum regnet uariatio, neminem, nisi plane linguam eorum ignoret, fugiet. Eadem quoque toni differentia inter Hebraeos, Aramaeos atque Arabes uiget, ut saepius aliam in pronunciando uocem audire existimes, quae re uera eadem non nisi tono differt, eoque difficiliter dignoscenda, si praeter tonum, literae aut uocalis facta sit immutatio. Incidit nunc in innumeris aliis Hebraeorum שש in foem. שש et שש, quoad numerum cardinalem, in ordinali שש et שש; quod si Arabes ad hunc numerum confulo, eadem plane uoce utuntur, sed, quod obiter obseruo, rationem ٢٨ Dages fortis reddentes, in pronunciatione aliam plane proferre uidentur. Pro שש enim efferunt سِتْ *Sittan* pro foeminino שש et שש, سِتَّة *Sittaton*, pro שש audies سَادِسَ *Sádison* et pro שש سَادِسَةٌ *Sadifatón*, ubi Dages forte eiectam literam Dal compensat. שש enim Hebraeorum est pro שש et שש pro שש. Arabes imprimis tonum in antepenultima amant, nisi uocalis longa, aut Scheua quiescens siue Gjesma hoc impediatur, sic مُحَمَّدٌ *Mubammed*, فَكْرٌ *Phakad*, et reliqua, e contrario Hebraei tonum in antepenultima nunquam patiuntur, inde fit, ut quaedam uoces apud Arabes diuersae in pronunciatione uideantur, quae a se non discrepant. Haec iam sufficiant ad illustranda ea, quae ad elementorum permutationem, diuersumque pronunciandi modum se extendebant, et plane circa corticem uersabantur.

§. XI.

Altera classis, ad ductum Cel. SCHULTENSII, ad folia et frondes pertingit, et adhuc plus uarietatis parit, quam pro nostra delineatione §. V. facta, nunc perlustrabo. Accidit hic quoque linguae Hebraeae et Arabicae, quod apud Atticos, Iones, et reliquas Graecae linguae Dialectos obseruamus, quae circa uerborum significatus inter



se uariant, ut primo quidem, quaelibet Dialectus peculiaria, sibi quoque propria habeat uerba, quae in altera non frequentantur, ex quibus breuem Catalogum ZVINGERVSⁱ exhibet. Sic Atticis ἀπλῆγος *uestem simplicem, nullis rugis plicatam*; σαυλός, teste HESYCHIO, *mollem, delicatum*; Ionibus ἰνέεις *militēs*, ἱπᾶντος *manifestum* denotant, reliquis aliae uoces domesticae sunt. Non mirum inde, Dialectum Hebraeam et Arabicam eadem gaudere libertate, qua quaeuis propriam, priuamque in uerbis suis significationem retinet, de qua altera nullo modo participat. Omnibus illud linguis commune est, ut quaedam uoces Ciuitate quadam donatae, alii ignotae sint, quae *provincialium* nomine insigniri solent. Peperit hanc uarietatem usus creberrimus, qui, ut in tota lingua, ita in hac eius parte regnat, quae, ut uidetur, per accidens enata, et quanquam satis grauis, consuetudine tamen sua pro nihilo fere habetur. Possem huc reuocare Nomen Dei יהוה, quod apud Arabes, quantum sciam, non frequentatur, pro quo ubique الله الله adhibent. Sic thema Hebraeorum קהן apud eosdem deperditum esse uidetur, aut forte huic Dialecto proprium, quod in medio relinquo,^k quemadmodum alia exempla nunc excutere non uacat. Cautione tamen in his quoque opus esse, mihi uidetur, cum, quid Hebraeis in genere domesticum fuerit, nec ne, satis definiri nequeat, quod, quae nobis de lingua eorum supersunt, uix centesimam partem eius implent. Neque contra Arabes hac in re tuto concludendum erit, uerba eorum, in contextu Hebraeo non reperiunda, ipsis domestica esse, nec Hebraeis unquam in usu fuisse. Dent nobis librorum idiomate hebraeo conscriptorum copiam, qui sic argumentantur, et quae nunc domestica uidentur, utrique linguae communia quamplurima euadent.

6. XII.

Progredior ad alteram Dialectorum uarietatem ex uerborum significatibus oriundam, quae amplum nobis differendi campum aperiret, si cuncta hic annotandi nobis mens esset. Sed qui Aristoteles quaedam



cis perfungemur. Quemadmodum quaelibet Dialectus propria sibi flectit uerba, quibus altera caret, ita diuersissimo saepe modo ea inflectit, hancque in his licentiam sibi sumit, ut e diametro nonnunquam sibi repugnent, magnamque, ad primariam notionem eas significationes reuocare annitentibus, pariant difficultatem. Nec inauditum, in diuersas Dialectos hanc uariationem cadere, cum ea saepe in una eademque accadat, quod, qui ex hoc fonte contra imperfectionem Hebraeae linguae sua haurire solent ratiocinia, facile nobis concedent. Inuenimus enim non apud Hebraeos modo atque Arabes, sed apud ipsos Graecos, quin Latinos quoque tale diuergium inter significatus, quod asserta nostra quam maxime probat. Exemplo Cel. SCHULTENSIVS iam praeiuit, cuius uestigiis doctissimis, ut in hac arte semper insistere studui, nunc quoque innitar.¹ Capiamus ergo Thema Hebraeorum עלץ et עלץ, quod *exultandi* notione satis tritum, apud Arabes longe alia denotat. Secundum GOLIVM enim est: *Auidum esse prae aegritudine corporis, animiue, irrequietum et impatientem esse*, quam ex CAMVSO et GJAVHARIO haustam significationem pleniore conspectu ex ipsis Auctoribus reddimus. العَلْزُ معركة قلب وخفة وهلع يصيب المريض والاسير والعربص والمحتضر ومن عِلز كَفَرَح وهو عِلز لي وجِع قلب لا ينام والعِلْوَر وجِع البطن والجذو والموت الرحي Vox Alaz, media pbutata notat agitationem et leuitatem, atque impatientiam, quae inuadit aegrum et captiuum, aut cupidum, aut moribundum. Radix עלץ in his omnibus uiget, diciturque עלץ aegritudine adfectus et iactatus, ut dormire nequeat. Forma עלון trita pro dolore uentris, pro furore, pro morte repentina. Hactenus CAMVSVS. Alter ad hanc radicem sic commentatur.

العِلز قلب وخفة وهلع يصيب الإنسان وقد عِلز بالكسر يَمْعِلُ عِلْزاً وبات فلان عِلْزاً لي وجعا قلبا قال الشاعر وإذا له عِلز وحشجة مما يحشج في الصلابة والعِلز لغة في العلوص وهو من لرجاع البطن

Substan.

¹) Extat T. II. Orig. p. 106. f. 44. Add. Clau. Dial. p. 122. f. 44.



Substantium ער is iactatio et leuitas, et magna impatientia, quae hominem corripit, isque tunc dicitur Aliza, media Regrata, in Futuro Ialazo, in Infinitiuo Alazm. Dicitur etiam pernoctauit ער, aegritudine iactatus et irrequietus. Sic Poeta.

Quumque ei irrequieta adest iactatio, et agon moribundi prae aestu bulliente pectoris.

Forma ער ex Dialecto idem cum ער est inter uoces, quibus tormina uentris signantur. Ex hoc specimine differentia significationum uerbi nostri apud Hebraeos et Arabes sufficienter elucet, cum, si ad usum in Bibliis asseruatum, et peruulgatum Arabum respicimus, illos thema hoc bono, hos fere malo sensu adhibuisse reperiamus. In transitu tamen moneo, hos diuersos significatus a notione primaria, in motu uibrante seu iactatione irrequieta, nunc ob gaudium, nunc ob dolorem et tristitiam sita, dependere, in eaque amice conspirare. Sed haec propter uiam. Haec uero diuersitas significatum non impedit, quominus Arabicam linguam pro Dialecto Hebraeae habeamus, cum ea pura puta Dialecto nitatur, earumque consanguinitati non officiat. Quod ut palpandum praebeam, simile exemplum ex lingua Graeca afferam, quo tale quid ex Dialecto tantum oriri euincam. Verbum enim σφαδάζειν, quod cum nostro ער in Origine conuenit, iisdem diuersis subiacet notionibus, ut altera Dialectus illud bono, altera malo sensu accipiat. Teste enim SCAPVLA adhibetur proprie de eo, qui stare nesciens, terram pedibus quatit seu pulsatur, quod communi linguae usu, exultantis et laetantis est. Dialectus tamen Attica, plane ut Arabes, significationis huius contrarium frequentat, ut aestuare, aegre ferre, irrequieto motu iactari, indignari, furere, sub uulnere bulliente consistari. Cane iam quae de themate nostro in Etymologiae



pedum aegri aut moribundi; Alii pro exilire prae indignatione, alii simpliciter pro indignari, aut pro omni motu uiolentiore. In Lexico autem Rhetorico inueni σφαδάζω significare duram pati mortem, item conuulsionibus temere distrabi, grauiter indignari, iratius ingemiscere, ut Euripides et Plato. An adhuc dubitas, tale diuergium significationum in Dialectos cadere posse? Ego quidem nihil signantius, ad sententiam nostram comprobendam, adduci posse existimo. Neque mirum in diuersis Dialectis id fieri, cum una eademque id saepius confirmet, quod Cel. SCHVLTENSIVS in uerbis exultare et exilire, quae mox pro gaudio, mox pro dolore et tristitia accipiantur, ex CICERONE, VIRGILIO, LVCRETIO et GELLIO ostendit, et ipsa lingua Hebraea satis euincat. Cum igitur tam diuersi significatus, Dialectos Graecae linguae minime tollant, quis contendet aut affirmare conabitur, eos Arabibus meis officere, eorumque linguam diuersissimam inde ab Hebraea fieri?

§. XIII.

Delabor iam ad ipsas rhetoricas uerborum inflexiones, in quibus Dialecti non omnino conspirare solent, cum quaelibet proprias sibi Metaphoras, Metonymias, aliosque tropos adhibeat, quibus significatus suos exornat. Attici, Iones, Aeoles et Dorii, ut ubique, ita hic quoque exemplo mihi erunt, quo Arabicam linguam a falsis criminationibus liberabo. Ad hanc rationem uerba θαυμάζω, θέλω, μῦθος, φάρμακον, ἀναιρέω, χελών diuersam apud singulos habent significationem, ut, quod hic mirari, illic mercedem dependere; his uolo, illis possum; aliis fabulam, aliis sermonem, huic uenenum, alteri colorem, quod communiter neco, Ionibus uaticiner, illi limacem, huic cytharam sonet, de quibus millena colligere exempla possem, nisi haec iam sufficere persuasum mihi haberem. Quale ergo iudicium de Arabibus feremus, ubi eandem significatum diuersitatem apud ipsos obseruamus, quippe qui peculiare frequentant tropos, in eisque desumendis, Hebraeis longe foecundiores esse uidentur, ut si Lexicon GOLII in quibusdam radicibus euoluas, significationum molem, figuratas-



guratasque notiones stupeas. Hebraei quidem eadem gaudent proprietate, ut multas uarie inflexas sub uno themate significationes terant, at quoniam lingua eorum multis abhinc annis mortua, paruæque eius sint reliquiae, plurimas periisse per quam credibile, imo certum est. Colligimus tamen ex iis, quæ nobis supersunt, genium Orientalem, in tropicis, figuratisque notionibus admodum procliuem. Arabes ergo a stirpe sua non degenerarunt, Dialectique nomen linguae suae iure tribuere possunt, quamuis tales frequentant inflexiones rhetoricas, quas Hebraei nunc ignorant, cum usus loquendi, apud eos adhuc dum uigens, uariam in his formam parere potuerit, quid, quod haec immutatio in Dialectis, ut ex adductis exemplis patet, permittitur. Expectabunt forte Lectores specimina quaedam ex nostris Dialectis, quibus asserta haec probentur; sed magna eorum copia, in quibusuis obuia Lexicis, ea hic deesse finit.

§. X I V.

Vltima secundae classis Dialectorum proprietas eo redit, quod Origo seu notio uerborum primaria in omnibus Dialectis non aequè frequentetur, sed altera prae altera eam seruarit. Quemadmodum enim uerborum significatus ab usu dependent, qui multum in illis uariat; ita accidit quoque, ut primaria notio in Dialecto quadam usum suum retinuerit, in altera ob multiplices secundarias notiones obscurata sit, et plane non compareat, quod inprimis tum euenit, ubi una Dialectus ex ore hominum iam emortua, non nisi in libris quibusdam se conspiciendam praebet, altera uero inter labra gentis semper uiget et floret. Quanto maior enim linguae datur copia, eo facilius uerbo-



dit. Id ergo in Dialectis tantum animaduertimus, unam Origines uocum magno conseruasse studio, recentique tenuisse memoria, alteram secundarias notiones magis adoptasse. Aequam normam nonnulla apud Atticos inuenies uerba, quorum Originem in reliquis Dialectis quaerere oportet, et e contrario Attici primariam aliquando subministrabunt notionem, quam apud Iones frustra quaesieris. Si ad Hebraeos et Arabes respicio, hanc obseruationem satis firmatam, comprobataque reperiō, quippe qui ad mutuam sibi hic opem praestandam apti nati sunt. Quam plurimae enim linguae Hebraeae Radices, quae in Sacris occurrunt, ad Originem, nisi foris lux accedat, uerti nequeunt, quod ad defectus, quos ea passa est, quam maxime pertinet, de quo alia occasione ratio iam data. Huc spectant Radices גרל, גרלע, et aliae, quae multis recensere, temporis ratio prohibet. Nemo hinc in admirationem rapietur, quando assero, harum notionem primariam, cum apud Hebraeos non uigeat, uel interiisse, uel in Dialectis latere, quod in excitatis locis sic adstructum et demonstratum inuenies, ut, meo quidem iudicio, solem e meridie tollere uidearis, si de eo amplius haerere uelis. Exinde uero, quod apud Arabes quaedam uerborum Origines asseruantur, quae apud Hebraeos nunc interierunt, eos diuersam habere linguam concludere uelle, sua bona non nosse uideretur,

§. XV.

Ex hac itaque uarietate, quam inter linguam Hebraeam et Arabicam intercedere hactenus considerauimus, nihil aliud consequitur, nisi quod Dialectorum nomen omni iure tueri queant. Comprobant id Graecorum Dialecti, quae omnes has mutationes, salua quam inter se tenent affinitate, commode admittunt, ut si hae pro corruptis linguis haberi nequeunt, neque tale quid de Arabibus affirmari possit, uel debeat. Equidem ulterius progredi, et sine metu multarum objectionum firmiter adstruere possem, multo arctius Arabes cum Hebraeis

* Conf. Cel. SCHULTENS. *de defect. hodiernis* p. 170. seqq. et EIVSDEM. *Vindiciae Orig.* p. 170. seqq.

*) Conf. *defect. hodiern.* p. 46. seqq. et *Vindiciae*

p. 144. seqq. Plures huius generis Radices lege in *Via ueteri et regia hebraica*. p. 194. confule Orig. T. I. et T. II. quin *Comment.* in *Iob. passim.*



braeis conspirare, nec tantum a se differre, quantum ipsae Graecorum Dialecti; sed lubet horum uariationem ad Graecos tantum referre, quo assensum Eruditorum eo confidentius mihi promittere queam, neque hypotheseos amore plus, quam ipsa concedit ueritas, arripuisse uidear. Consulat inodo supra excitatos ZVINGERVM, SCHMIDIVM, aliosque, qui de Dialectis Graecorum scripserunt, cum iisque discrepantiam Arabum cum Hebraeis conferat, et adstupescet, Viros Eruditos Arabicam linguam impurissimam, ne quid peius dicam, Hebraeae propaginem constituere potuisse, quae ne decimam quidem partem inter se differunt, quam ipsi Gracci. Sed mitto haec, et ad ultimam Classem, quae ad Syntaxin, arduam illam Grammaticae partem pertinet, uberius explicandam me accingo, in qua recensenda iterum paucus ero, ne in his quoque terminos meos excessisse uidear.

§. XVI.

Tria sunt, quae ad hanc classem refero, quorum primum ad *Constructionis rationem* se extendit, quae in Dialectis saepius uariat; et in omnes Syntaxeos partes se diffundit. Consentiunt nobiscum, qui, quid Graecorum lingua in his uariat, planum atque perspectum habent, in qua uel Articuli, uel Nomen, Pronomen, Verbum, Aduerbium et reliquae Orationis partes uel abundant, uel deficiunt, uel mutantur; casus saepe uariant; uerba alias atque alias induunt constructiones, et quae insuper hic inseri possent.^p Ne uero exempla plane negligamus, unicum *de uerbis sensuum* pro specimine dabimus, de quibus Grammatici, aliique annotant, uarios ea in Dialectis adsciscere casus. Sic in aliis WYSSIVS:⁷ *Sensuum uerborum Attica constructio est, quando uerba sensum aliquem externum, ... et internum significantia, moue*



quibus Arabes meos ab illa labe et macula, quam iis adaspererunt quidam, liberare possum. Variant hi quoque in constructionis ratione, sed tantam, quantam Graeci patiuntur, discrepantiam, quoad mihi quidem perspicere datum est, non ostendunt. Etenim, si Hebraeae linguae Syntaxin cum Arabica conseras, pleraque tam arcte concordant, ut nisi literis eas a se inuicem discerneres, qualem ex utraque pertractes, plane nescias, quod ex collatione Grammaticorum facile adstruere, et per singula capita probare possem, si utriusque linguae concentum demonstrare uellem. Sed intra meos me continens limites, discordiam quandam, si eam ita appellare fas est, in uerbis exempli loco adducam. Arabes nempe uerba sua nonnunquam cum aliis construunt particulis, quam Hebraei, suaeque ex uerbis diuerso nonnunquam modo nomina deriuant, quod Lexicon GOLLII euoluenti cuius statim patebit, nosque a congestione exemplorum liberat. Ita Hebraei uerbum quoddam per כ aut ה aut הַy construunt, quibus Arabes uel alias addunt particulas, uel plane diuersas pro iis substituant. Probe tamen tenendum de ea uarietate me loqui, quae pro hodierna linguae Hebraeae conditione se nobis offert, de eo uero, utrum haec discordia antiquitus quoque locum habuerit, iudicium suspendo. Non negandum tamen, quasdam immutationes in Dialectum Arabum quotidiano usu irrepsisse, idque ex eadem ratione minime mirum, cum in uernaculis nostris linguis talia quouis fere die contingant. At quemadmodum leuiculae hae discordiae externae, linguam quandam non statim diuersam efficiunt, ita nulla, cur nostris Dialectorum nomen denegare uelimus, ratio adest.

§. XVII.

Altera iam accedat uariationum earum causa, quas inter Dialectos saepius obseruamus, et quae peculiare gentium ritus concernunt. Nihil apud diuersas gentes, lingua utentes communi, frequentius accidit, quam ut in uno eodemque ritu diuersas adhibeant formulas, quas unaquaeque sibi domesticas fingit. Ut nunc alia exempla praeteream, de Hebraeis et Arabibus in his discrepantibus, pauca monebo. Certe Iudaeorum formulae solennes, huic aut illi ritui propriae, satis



notae sunt, de quibus **NXTORFIVS** in *Synagoga Iudaica* pluribus egit, quorum preces eorum, formulae in surgendo, lauando, aliaeque, in quibus Arabes non concordant, pertinent. Ipsos imo ritus alio insigniunt nomine, sic טבירה Hebraeorum, apud Arabes fere conuenit cum غمسل, scilicet lotionem totius corporis, et נטילה ידים lotio manuum apud eosdem وضو sonat. Ita in inscribendis libris Arabes suum بسم الله ubique frequentant, pro quo Hebraei aliam formulam substituant. At cum ritus sacri apud Iudaeos acque ac Arabes non ex uno fonte desumantur, facile in eorum administratione uariatio nasci potuit. Notum enim, Iudaeos uel Scripturae S. praecepta, uel Doctorum suorum sententias atque traditiones, Arabes uero falsam suam reuelationem, eaque, quae a fundatore suae religionis acceperunt, in ritibus sequi. Vnum tamen Ens supremum utrique uenerantes, eius nomine omnes ritus instituunt, usu aliam hic illic formulam introducente. Non quodem me fugit, hanc discrepantiam plus ad gentes ipsas, quam ad eorum linguam pertinere, crederem tamen, omnibus rite pensitatis, eam quoque ad Dialectos quodam modo referri posse; siquidem obici posset, magnum inter Hebraeos atque Arabes apparere dissidium linguarum, cum ubique in ritibus suis, qui tamen ipsi non in uniuersum ab Hebraeorum usu discedunt, alias adhibeant formulas, quas, si lingua eadem foret, ut nos defendimus, sine dubio easdem haberent. Ne uero sententis nostris, ut saxis adhaerere uideamur, facile permittere possumus, si quis hanc uariationem ex solemnibus formulis oriundam, ad Dialectos optimo iure referri non posse, contenderet, neque litem ipsi moueremus, ea tamen obseruatione, ne id neget, ut ex eodem capite contra nos agere uelit. Diuersitas enim harum formularum non inde euenit, quod diuersis utuntur linguis, sed quod usus hic illic aliquid uariauit.

§. XVIII.

Tandem ad ultimam rationem deuoluimur, ex qua unius eiusdemque linguae uariationem externam, quae ex Dialecti natura proficiscitur, cognoscere possumus. Totus nempe Orationis ambitus unius Dialecti ab altera nonnunquam sic differt, ut eas statim discriminare queas. Ratio huius mutationis haud difficilis est intellectu, cum in una eademque Dialecto stilus scriptorum adeo diuersus ubique sit, ut unum ab altero statim discernas. Ita Moses a Iesaja, hic a Ieremia, et sic porro, Matthaeus a Luca, ab utroque Paulus sic differt, ut, si genio uniuscuiusque aduersus, mox, cuius scripta legas, intelligas, idque non in Sacris tantum, sed profanis quoque Scriptoris locum habet, ut quilibet peculiari, sibi quoque proprio uerborum nexu res, quas pertractat, describat. Hanc Auctorum differentiam in aliis R. P. BERNARDVS



sont secs, pauvres stériles. - Enfin comme les visages sont differens, les manieres d'écrire le sont aussi. - Les qualités de l'esprit sont cause de cette difference que l'on remarque entre tous les Auteurs. Le discours est l'image de l'esprit, on peint son bonneur et ses inclinations dans ses paroles, sans qu'il on y pense. Les esprits étant donc si differens, quelle merveille, que le stile de chaque Auteur ait un caractère, qui le distingue de tous les autres, quoique tous prennent leurs sermes, et leurs expressions dans l'usage commun d'une même langue? Quod si ergo Auctores in una eademque Dialecto suo dicendi genere adeo a se discrepent, ut unum ab altero statim dignoscas, quid mirum, si diuersae Dialecti talem immutationem permittant, Scriptoresque a se inuicem discedant. Certe apud Graecos, diuersae Dialecti scriptores in toto orationis ambitu a se inuicem dignoscuntur, ut mox appareat, utrum ad Ionicam uel Atticam, uel aliam quandam referendi sint. Ergo nec ex hac causa lingua Arabica pro adulterina capiendi erit, si Auctores ab Hebraeis nonnunquam in toto orationis ambitu deflectunt, cum Dialectus hanc discrepantiam sponte permittat. Nimis prolixus essem, si, quae huc spectant, exempla subiungere uellem, firmiter persuasus, unum quemque mihi facile concessurum, tale quid in Dialectis accidere posse, absque ut multis probetur exemplis.

§. XIX.

Haec sunt, quae de Dialectorum Natura atque indole, quantum temporis ratio permittit, breuibus disserere uolui. Scio quidem multa adhuc superesse, quae hisce pagellis inferi, et adijci possent, sed quoniam haec scopo nostro satisfacere uidebantur, ea, quae desiderari adhuc poterant, nunc sēposuimus. Constitueraui quidem, ut generale aliquod exemplum, ad quod, quicquid de Natura Dialectorum hucusque proposui, commodè applicari posset, exhiberem, quadruplicem Orationem Dominicam, alteram Hebraicam, alteram Arabicam, Graecam communem, prout *Matth. VI.* legitur, eamque ex Dialectis conscriptam hisce addere, easque omnes notis insuper illustrare, quibus diuersitatem, quae inter Hebraeorum atque Arabum idioma intercedit, unice ex Dialecto oriri, nec tam notabilem esse, quam quae inter Graecos conspiciuntur, manu quasi palpandum dare uolebam; sed tempore me festinare iubente, aliisque accedentibus causis, hisce nunc supersedere cogor, ulteriorem expositionem occasione mihi opportuniore seruaturus.

n) Conf. saepius excitat. *ZVINGLIUM* c. l. p. 61. 62. et alibi.



VA 1 1521 458